

նորա, ոչ ոք թողին մերձենալ ի նայ, ոչ թէ կարգա-
ւորապէս թաղել՝ այլ եւ ըստ օրինի. զի մնայր յա-
ւուրն Բշի (2 Օգոստ.) այնպէս ի գետնի, արկեալ ի վե-
րայ նորա կտոր մի խորի: Որք ի նոցանէ(*) , որ վեր-
ասացան, յերկուց եւ յերից կանխեալ ընդ առա-
ւօտն երթեալ տեսանել՝ թէ իսկապէս նա՞յ է, և թքա-
նէին զմարմինն մեռեալ և առ ոտն աքացի հարկանէին
զգլուխն և զերեսն՝ մեծաւ հայհոյութեամբ հանգերձ:
Եւ այլք ի նսեմ տեղուջն զմօրուսն այրէին թէ Դո՞ւ
ես իշխող մեզ, բախելով զկուրծս՝ Ա՛յ թէ տեսաք
զքեզ յայդմ ժամու. առնէին եւ վրէժ ի մեռելոյն:
Եւ խրատեալ զբանդապետսն զի ի ծով արկցեն, որ
եւ արարինն. զի առ երեսս ծովուն ի վերայ երե-
սացն թաւալէր, որում սակի խայտառակ եղաք դրա-
ցեաց և ծաղր թշնամեաց այլասեռից՝ յաւուրսն յայ-
նոսիկ: Ո՛վ մեծի յիմարութեանս՝ ասեմ այնոցիկ, ո՛վ
մեծի մոլութեան, եթէ հերձուածող զոր ասացիք
նզովս՝ չէր մեծ քան զԱրիոս և զՆեստոր և զայլսն,
որոց եղև վրէժխնդիր Աստուած. դուք ընդէ՞ր արե-
նատէր և մարդասպան եղէք ամենայն քաղաքս վասն
նորա: Եթէ չար էր՝ վասն է՞ր ոչ շահեցայք զնա յա-
ռաջագէմ գալստեան նորա, և թէ վատ էր, որ ոչ ըն-
դունեցայք և ոչ թողիք յեկեղեցիսդ, վասն որոյ և ել
զնաց, ընդէ՞ր և ապա ուր որ գնաց ոչ թողիք մտա-
նել ի բոլոր գիւղսդ և ի քաղաքդ. թուղթս ի վերայ
թղթից թէ Մի՛ ընդունիք: Զի՞նչ առնէր եղկելին.
կամէին սոքա թէ տաճկանայր՝ ուրանալով զհաւատն.
բայց նա մնայր զաւուրս ի՞նչ անայցելու, մինչև սպա-
նին և հասին ըղձանաց իւրեանց և զի առին ևս վրէժ
ի նմանէ. և նորայն դատաստան առ Տէր մնաց, գոնէ
թողուիլն մեղացն գտանելով: Եւ զհաբեղան ասա-

(*) յԱճճնցիք: